



Här Fernand ETGEN  
President vun der  
Deputéiertechamber  
19, um Krautmaart  
1728 Lëtzebuerg



Lëtzebuerg, de 6te Februar 2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Mobilitéit weiderzeleeden.

An der Äntwert op d'parlamentaresch Fro n°1710 vum honorabelen Deputéierte M. Schank confirméiert de Minister d'Iwwerlaaschtung vu verschiddenen Zich. De Minister schreift, dass duerch d'Bäikafe vun neie Waggonen d'CFL an de nächste Joren d'Passagéierkapazitéite fir d'éischt an déi zweet Klass erhéije wäert.

Am Usschluss op dës Fro wéilt ech dem Minister folgend Froe stellen:

1. Wéi vill Sëtzplazen existéieren aktuell an allen Zich vun der CFL? Wéi vill dovunner entfalen op d'zweet Klass? Wéi vill dovunner entfalen op déi éischt Klass?
2. Wat ass d'Gesamtkapazitéit vun allen Zich (Sëtz- a Stéiplazen) vun der CFL?
3. Wéi vill Passagéier sinn 2019 an der zweeter Klass matgefuer a wéi vill an der éischter Klass?
4. Wann all d'Sëtzplazen an der éischter Klass ofgeschafft géife ginn, wéi vill Platze (Sëtz- a Stéiplazen) kéinten da fir d'zweet Klass liberéiert ginn?
5. Ass et fir de Minister virstellbar, de Prinzip vun der Zweeklassen-Trennung ofzeschaffen? Falls nee, aus wéi Grond ënnerstëtzt de Minister den Erhalt vun enger éischter Klass?
6. Wéi vill Recetten huet d'CFL 2019 duerch de Verkaf vun Tickete fir d'éischt Klass generéiert? Wéi vill maachen dës Recettë par Rapport zu de Käschte vun der CFL aus?

Mat héijem Respekt,

Marc GOERGEN  
Députéierten



[www.piraten.lu](http://www.piraten.lu)



LE GOUVERNEMENT  
DU GRAND-DUCHÉ DE LUXEMBOURG  
Ministère de la Mobilité  
et des Travaux publics

Luxembourg, le **13 MARS 2020**

**Monsieur Marc Hansen**  
**Ministre aux Relations avec**  
**le Parlement**

**Service Central de Législation**  
**Luxembourg**

CHAMBRE DES DÉPUTÉS  
Entrée le :

13 MARS 2020

Monsieur le Ministre,

J'ai l'honneur de vous communiquer en annexe la réponse à la question parlementaire N°1840 du 6 février 2020 de l'honorable député Monsieur Marc Goergen, avec la prière de bien vouloir en assurer la transmission à Monsieur le Président de la Chambre des Députés.

Recevez, Monsieur le Ministre, l'expression de mes sentiments distingués.

**François Bausch**  
**Ministre de la Mobilité**  
**et des Travaux publics**

**Äntwert vum Här François Bausch, Minister fir Mobilitéit an ëffentlech Aarbechten, op  
d'parlamentaresch Fro n°1840 vum 06 Februar 2020 vum honorabelen Deputéierte Marc Goergen  
zum Sujet „Première classe dans les trains des CFL“**

1. Aktuell existéieren 26.211 Sëtzplazen an allen Zich vun den CFL, dovunner 22.572 Sëtzplazen an der zweeter an 3.639 Sëtzplazen an der éischter Klass.
2. D'Gesamtkapazitéit vun allen Zich (Sëtz- a Stéiplazen) vun den CFL lounge am Joer 2019 bei 48.339.
3. Vun den 25.015.897 Passagéier, déi d' CFL am Joer 2019 transportéiert hunn, sinn der 24.347.513 an der zweeter Klass a 668.384 an der éischter Klass matgefuer.
4. Wann all d'Sëtzplazen an der éischter Klass géingen ofgeschaaft ginn, dann kéinten zousätzlech 3.639 Sëtzplazen a 1.679 Stéiplazen fir d'zweet Klass liberéiert ginn.
5. Wéi aus den Zuelen ersichtlech, gëtt et eng Nofro fir eng éischt Klass. Et ass net virgesin fir d'éischt Klass ofzeschaffen.
6. Am Joer 2019 hunn d' CFL Recetten an Héicht vu ronn 1.230.000€ duerch de Verkaf vun 1. Klass Ticketen an Abonnementer generéiert. Par Rapport zu de Chargen, déi am Budget fir de « Service public par rail » fir d' Joer 2019 virgesi waren, maachen dës Recetten 0,55% aus.